



保嬰全書

十一

特別
79
83
11



門試 9
號 89
卷 11



保嬰全書卷之十一

明太醫院院使薛己編集

腫瘍

腫瘍者以瘡瘍未潰而言也經云形傷痛氣傷腫又云榮氣不從逆於肉裡乃生癰腫皆因稟受胎毒或乳母膏粱厚味七情陰火或兒食炙煇甘美積毒氣血不和所致當分其經絡所屬五臟相勝與元稟虧損預為審用

攻補調和之劑速令散潰尤當審其勢之腫
漫色之赤白與痛有微甚毒有表裏若腫高
焮痛便利調和邪在表也宜表散之腫硬痛
深大便秘澁邪在內也宜下之外無拘急內
則便利調和者邪在經絡也宜調榮衛腫焮
大痛或麻木不痛邪氣凝滯也用隔蒜灸及
活命飲若煩躁飲冷赤痛發熱二便不通者
火熱內熾也用清涼飲活命飲加大黃尤善
若微腫微痛或不痛陽氣虛弱也用參芪托
裡散微黯微赤或不赤陽氣虛寒也用加味
托裡散若惡寒而不作膿或膿熟而不潰者
陽氣虛也用加味托裡散如此則未成者自
能消散已成者自能潰腐尤當別其屬陰屬
陽或半陰半陽而治之若泥於腫瘍禁用辛
熱之說不分受症之因兼症之經槩行敗毒
泛擾諸經誅伐無過以致不能起發或不能

腐潰收斂變症莫能枚舉癰疽論云腫瘍內
外皆壅宜以托裡表散為主但見腫痛參之
脉症虛弱便與滋補氣血無虧可保終吉嬰
兒有疾無調其母若腫瘍之際治失其法必
致潰瘍之變症此推內經之微旨而生平之
徵驗者尤當觸類而長思奚庸贅

潰瘍二

潰瘍者以瘡瘍膿潰而言也膿潰而腫消痛
止者為順若膿潰腫痛或發寒熱者氣血虛
也用十全大補湯膿潰欲嘔少食脾胃虛弱
也用六君炮薑手足並冷者脾氣虛寒也用
六君薑桂如不應急加附子膿潰而仍痛或
二便秘瀆者熱毒未解也用清熱消毒散熱
退而渴不退津液不足也用八珍加黃芪麥
門山茱萸熱止而小便頻數腎虛也用加減
八味丸料若熱不止或腫痛反甚虛熱內作

也用人參黃芪湯或熱退而肌肉不生者氣血俱虛也用十全大補湯瘡色天白或陷下不斂寒氣所襲也用五味異功散佐以豆豉餅膿血過多煩躁不安乃亡陽也急用獨參湯尤當審其腫之軟硬飲食冷熱與膿之稀稠多少肉之赤色微甚青黯及瘡口之收斂遲速而投托裡消毒調補之劑庶無變症癰疽論云潰瘍內外皆虛宜以托裡補接為主蓋潰瘍之變症因由於腫瘍之際治失其宜虧損元氣之所致治者誠能謹之於始則無後變之患矣

胎毒發丹 三

胎毒發丹者因胎毒內伏或頻浴熱湯或著烘衣或乳母飲食七情內熱助邪為患發於頭面四肢延及胸腹色赤遊走不定古人云從四肢起入腹囊者皆不治當急令人隨患

處遍吮毒血各聚一處斲出之急服活命飲
惟百日内忌斲以其肌肉難任也若發散過
劑表虛熱而赤不退者用補中益氣湯加防
風白芷寒涼過劑胃氣受傷而熱赤不退者
用異功散加柴胡升麻或無發搐等症用四
君升麻當歸鈞藤鈞若復行攻毒必致不起
頭額間患者當卧鑊斲之史少叅孫二歲丙
申正月陰囊赤腫余作胎毒治瘡後患發熱
痰盛等症診其母有鬱火血熱用解鬱涼血
之藥子母俱服而愈至六月初患吐瀉兩眼
睜動或投參朮之類不應以為慢驚欲用附
子藥請余議視其寅卯關脉赤此屬風熱傷
脾用柴胡清肝散加鈞藤鈞木賊草一劑即
愈丁酉正月初旬頸患熱毒膿出貼藥忽暴
風啓戶即時發熱翌日頭面黯腫如斗兩耳
厚寸許此風邪上攻血得熱而沸騰也急斲

兩額出黑血三盞許隨用清熱化毒湯黥腫
十退七八翌日復砭則血不甚黑矣仍以前
藥去牛蒡子加熟地黄而愈此症若不行砭
法或作破傷風治必死

一小兒四肢患之外熱雖輕內則大便秘結
此患在臟也服大連翹飲敷神功散而瘥
一小兒患之赤暈走徹遍身難以悉砭令人
吮四肢胸背數處使毒血各凝聚而砭之先

用活命飲末酒調二服又以金銀花甘草節
為末用人乳汁調服漸愈月餘後兩足皆腫
仍砭之服前藥而瘥數日後兩足復赤或用
犀角解毒丸之類致乳食不進肚腹膨脹此
復傷脾胃而然也敷神功散服補中益氣湯
加茯苓而瘥

一小兒腿如霞片遊走不定先以麻油塗患
處砭出惡血其毒即散用九味解毒散而安

一小兒臂患之砭出毒血而愈惑於人言服
護心散以杜後患服之吐瀉腹脹患處復赤
手足並冷余謂此脾胃虛弱前藥復傷用六
君子湯一劑頓愈又以異功散加升麻柴胡
而痊

一小兒患此砭之而愈但作嘔不食流涎面
黃余謂此脾氣虛弱用異功散加升麻治之
吐止食進又用補中益氣湯涎收而安

一小兒患此砭之而愈翌日發搐作嘔手足
並冷此胃氣虛而肝木侮之用異功散加藿
香木香諸症頓止又用異功散加升麻柴胡
而痊

一小兒患此砭之而愈但面赤作嘔飲冷余
謂胃經熱毒未解先用仙方活命飲又用清
熱消毒散各一劑而愈

一小兒腿上患之神思如故乳食如常余謂

毒發於肌表令急砭出毒血自愈不信外敷
寒涼內服峻劑腹脹不乳而死一小兒遍身
皆赤砭之投以解毒藥而愈

一小兒患此二便不利陰囊肚腹俱脹急用
砭法隨以活命飲加漏蘆木通大黃為末時
用熱酒調服至兩許二便俱通諸症頓退却
去三味仍前時服而愈

一小兒患此二便不利腹脹咳嗽用活命飲
加漏蘆木通麻黃為末時時熱酒調服二便
隨通遍身出汗諸症頓退鼻息似絕無氣以
動時或似躁此邪氣去而元氣虛也急用當
歸補血湯而愈

砭法治丹毒赤色遊走不定令口吮毒血各
聚一處用細磁器擊碎取有鋒芒者以筋頭
劈開夾之用線縛定兩指輕撮筋頭稍令磁
芒對聚血處再用筋一根頻擊刺出毒血輕

者止用口吮出毒用藥敷之如患在頭者不用砭法止宜用鍼針倒挑患處以出毒血遲則毒血入腹而難起矣

神功散治丹毒最效若砭後毒甚者宜用如毒輕者砭後不可用恐砭處皮膚既破草烏能作癩也

仙方活命飲 方見熱毒瘡瘍

清熱化毒湯

熱消毒散 方見熱毒口瘡

柴胡清肝散 方見脇癰

補中益氣湯 方見肥肉不生

小柴胡湯 方見脇癰

大連翹飲

柴芍參苓飲 方見熱毒瘰癧

九味解毒散 方見黃水粘瘡

傷食發丹 二

傷食發丹者因脾胃之氣未充乳食過多不能運化蘊熱於內而達於肌表也若因乳食停滯者先用保和丸消之大便秘結量加大黃通之乳食既消而丹尚作者用清中解鬱湯治之丹邪既去而乳食不思者用五味異功散補之發熱作渴或飲食少思者用七味白朮散補之大凡飲食厚味所致者赤暈或行而緩慢若飲燒酒或誤吞信石所致者遍身赤暈其行甚速又有瘡瘍發焮周圍有赤暈其熱消散或膿出自退凡此俱忌砭法皆宜安裡為主不可攻伐若自吐瀉亦不可止之吐瀉中有發散之意因飲燒酒者飲冷米醋一二杯解之此神妙之法也因母多食炙燂膏粱或飲燒酒或服辛熱燥藥或鬱怒傷肝脾致兒為患者當參胎熱毒瘡瘍治之一小兒面色皎白手足常冷傷食患丹余謂

此因脾胃虛弱不信另用剋伐之劑更吐瀉
腹痛吐涎不乳口舌生瘡此脾胃復傷而虛
寒格陽在外非實熱也先用六君乾薑又用
五味異功散而愈

一小兒每停食發赤暈此脾虛食鬱用清中
解鬱湯而愈越月忽搖頭咬牙痰甚發搐嘔
吐酸腐此食鬱傷脾也待其吐盡翌日少與
白朮散而愈又服前散月餘遂不復患

一小兒因母飲燒酒其子身赤如丹毒三日
間皮膚皆潰煩躁發熱飲冷作渴令飲冷米
醋即日並安却服金銀花甘草末而愈

一小兒患瘡服信石之藥遍身赤痛煩躁昏
憤用米醋一杯徐灌而甦良久遍身如故又
用金銀花甘草為末每服一錢米醋調下三
服而安

一小兒五歲忽吐瀉又俄頃胸腹赤色見遂

遍身俱赤余意其中信石之毒而然若胎瘤
食毒則無此急速乃灌冷米醋一杯吐瀉即
止少刻赤漸退半日始甦其形尚似死又用
羊血接其元氣而愈

保和丸 方見虛羸

瀉黃丸 方見脾臟

清胃散

加味歸皮湯

一 小兒停食便秘四肢赤色此飲食蘊毒於
內用枳實黃連厚朴山查神麩而便通赤解
更頭暈咳嗽此脾氣虛而不能生肺金也用
六君桔梗以補脾肺山查神麩以消飲食而
痊

一 小兒患此服發表之劑手足抽搐服驚風
之藥目瞤痰甚余謂脾胃虧損肝木所勝之
虛象無風可祛無痰可逐用六君子湯一劑

而安再劑而瘥

一小兒停食服通利之劑患丹作嘔腹脹此脾氣復傷也用補中益氣湯五味異功散而愈

一小兒因母食炙煨酒麪兩臂前臙各漫腫一塊有根四畔赤暈相圍余謂患處屬胃經因胃經積熱而為患也用清胃瀉黃二散治之而消設謂丹毒輒用砭法及敗毒之藥反

六君子湯三方見天鈞

清中解鬱湯

七味白朮散方見積滯

胎毒瘡瘍三

寶鑑云初生芽兒一塊血也無形症也無脉有驚即係是胎驚有熱即係是胎熱嬰兒實與乳母一體凡患瘡疾但審乳母肝經有熱用加味小柴胡湯之類肝經虛熱用加味逍

遙散之類腎水不能生肝用地黃丸心經積
熱用柴胡枝子散心經虛熱用茯苓補心湯
膏梁積熱用東垣清胃散脾經鬱熱用錢氏
瀉黃散脾經虛熱用錢氏異功散若復犀角
化毒丹外敷寒涼之藥復傷生氣乃促其
危也

一小兒生下耳前腫一塊如小栗旬餘色赤
腫高觸之則哭此屬膽經部位診乳母果肝
促其危矣

六君子湯三方見天鈞

清中解鬱湯

七味白朮散方見積滯

胎毒瘡瘍三

寶鑑云初生芽兒一塊血也無形症也無脉
有驚即係是胎驚有熱即係是胎熱嬰兒實
與乳母一體凡患瘡疾但審乳母肝經有熱

用加味小柴胡湯之類肝經虛熱用加味道
遙散之類腎水不能生肝用地黃丸心經積
熱用柴胡枝子散心經虛熱用茯苓補心湯
膏梁積熱用東垣清胃散脾經鬱熱用錢氏
瀉黃散脾經虛熱用錢氏異功散若復犀角
丸化毒丹外敷寒涼之藥復傷生氣乃促其
危也

一小兒生下耳前腫一塊如小粟旬餘色赤
腫高觸之則哭此屬膽經部位診乳母果肝
膽經脉數此稟生母肝火所致乳母有肝火
而益甚也又數日作炒不安手足時搐此因
作膿焮痛而然又三日早間以指微按瘡頭
腫隨指復起其膿已成也至午瘡頂起薄皮
膿已熟也點代鍼膏將晚出膿兒頓安腫赤
頓消此瘡家最善症也貼太乙膏以護風寒
乳母服逍遙散而愈

仁壽金書卷十一
一 小兒生下臂外臃腫一塊寸許月餘忽赤
腫二寸許外赤暈勢欲走散此膿毒內熾鍼
之隨出膿赤暈退兒即安診乳母肝膽脉弦
數按之有力先用加味小柴胡湯加黃連二
劑去黃連又二劑却用加味逍遙散與乳母
服兒尋愈

一 小兒生下大腿腫寸許一塊面目色白將
暮敷藥而潰膿水清稀二暮而未愈後呵欠
咬牙此稟腎虛朝用補中益氣湯夕用地黃
丸料與母子同服半杯年餘而愈

一 小兒生下左脇間一塊漫腫無頭肉色不
變敷鐵箍散潰而膿清欲嘔余謂稟肝經氣
滯而脾氣虛不能愈也先用異功散加柴胡
升麻以補脾胃又以托裡散加柴胡山梔以
托裡清肝其子亦飲數匙三月而愈

一 小兒生下小腹患腫一塊年餘不潰寒熱

往來此稟肝火而然也其母果經事不調內
熱體倦用地黃丸八瓊湯與母服子日服半
杯尋愈

一小兒生下胸脇間腫赤年餘不消余謂稟
肝血熱但治其母不信另用鐵籬散犀角丸
作嘔不乳此胃氣虛而復傷余用五味異功
散救子之胃氣用加味道遙散治母之肝火
頓愈

一小兒生下遍身無皮色赤厚母素食膏粱
之物以寒水石二兩炒焦黃栢二兩淨黃土
四兩俱為細末時敷遍身母服清胃散加漏
蘆五日赤少淡却用黃土五兩炒焦黃栢一
兩敷之母服加味道遙散又三日赤頓淡水
頓少又三日但敷黃土一味母服八瓊湯加
牡丹皮柴胡而愈

一小兒生下有疥審其母素鬱怒用消毒散

以當歸膏調敷母服加味道遙散加漏蘆及
加味歸脾湯而愈後復發為母食膏梁用清
胃散及敷前藥而愈

一小兒生下有痔瘡三歲後作痛服化毒丹
犀角丸以治大腸之火更腹痛作瀉咬牙呵
欠仍欲治火余曰呵欠咬牙屬肝經之症內
經云因而飽食筋脉橫解腸澀為痔此稟肝
火為患兒服地黃丸母服逍遙散加漏蘆而

愈

一小兒陰囊赤痒或時如無皮狀兩日常閉
服化毒丹益甚余曰化毒丹犀角丸治脾胃
實火之劑前症乃稟肝腎經陰虛也不信仍
服之幾危余用六味地黃丸四味肥兒丸母
服加味道遙散而痊

一小兒生下陰囊赤腫余謂稟腎肝陰虛不
信另用化毒丹之類前症益甚更嘔吐不乳

手足並冷此脾胃被傷先用五味異功散母
用大劑地黃丸料加炒黑黃栢及漏蘆與數
劑而消其時患是症服化毒丹敷涼藥者俱
不救

一小兒生下臀尖微腫寸許一塊敷鐵箍散
服化毒丹越月腫起色赤啼聲不絕以指按
之隨手復起此囊內熱而痛也遂針之出稠
膿啼聲即止余謂血氣無虧不必用藥彼欲

速効另服犀角丸致吐瀉發搐欲投驚藥余
曰此因脾胃虧損而内生風耳急以人參一
兩細切和壯婦乳一鍾置粥釜中煮良久取
出絞乳汁以綿作乳頭樣者蘸乳頻與兒吮
之一日吮盡却服乳化地黃丸母日服八瓊
湯加漏蘆不月而愈

一小兒生下臀內臙赤腫二寸許一塊有膿
內潰遂針之出膿甚多隨眼閉咬牙余謂眼

閉脾氣虛不能開也發搐咬牙乃脾氣虛而
肝火動也以人參如前漬乳兒吮母服八瓊
湯加漏蘆月餘而瘡愈

一小兒生旬餘頭患毒高寸許有赤暈勢危
急卧鑊砭出黑血兒即安翌日眉間有患亦
有赤暈余意宜即砭之衆議第二日砭之果
血凝不出腹脹而歿

敷藥鐵箍散治一切瘡癰癰疽

芙蓉葉

黃栢

五倍子

白芨

右為末用水調搽四圍

按前方乃寒涼解熱收斂之劑或有用白
蘞商陸根者有用寒水石天花粉者有用
蒼耳金銀花者有用芭蕉赤小豆者有用
草烏白芷之類者皆不分寒熱溫涼之雜
餌內經云先腫而後痛者形傷氣也先痛

而後腫者氣傷形也又云五臟不和九竅不通六腑不和瘤結為癰外科精義云凡瘡腫高而軟者發於血脉腫下而堅者發於筋脉肉色不變發於骨髓蓋必有諸中而後形諸外故受症之經與所患之位各有不同豈宜一槩外敷涼藥惟脾胃無虧血氣不和者庶幾有效若服化毒之類脾胃復傷運氣凝滯亦不能消矣至如疔瘡之類正欲宜拔其毒若復用前藥肌肉受寒血氣凝滯必致毒氣入內而不救治法必察其腫之高漫色之赤白痛之微甚作膿之難易出膿之稠薄生肌之遲速以別其屬陰屬陽或半陰半陽或純陰純陽而用相宜之藥以涼之熱之和之又當審受病之傳變五臟之相勝而以調補脾胃為主庶不致變惡症也

五福化毒丹治胎毒及豆後頭面生瘡眼目

腫痛

生地黄杵膏

熟地黄自製杵膏

天門冬去心杵膏

麥門冬

去心杵膏玄參各三兩

甘草

甜硝各二兩

青黛一兩五錢

右為末煉蜜丸如芡實大每服一丸白滾

湯化下甜硝即朴硝以滾湯製過者便是

按前症服此而發搐痰喘者皆中氣受傷

而變虛熱也急服五味異功散若手足並

冷者中氣虛寒也前湯加薑桂多有生者

犀角消毒丸治積熱及痘疹後餘毒生瘡

生地黄

防風

當歸

犀角屑鎊

荆芥穗各一兩

牛蒡子炒杵

赤芍藥

連翹

桔梗各七錢

薄荷

黃芩

甘草各五錢

右為末煉蜜丸如芡實大每服一丸薄荷

湯化下

按前二方善損中氣傷陰血若大人形病俱實脾胃健旺者庶可用之恐芽兒臟腑脆嫩不能勝此經云氣主噓之血主濡之氣者胃中冲和之元氣若胃氣一傷不能噓濡消散膿已成者不能腐潰膿已潰者不能生肌收斂因而難治甚致不起不可不慎也

八味茯苓補心湯治心氣不足血氣不和而

患瘡症 愚製

茯苓

酸棗仁炒各二錢 五味子炒

當歸各一錢

人參一錢五分

白朮炒一錢

菖蒲五分

遠志去心六分

甘草炒五分

右作二三服水煎

柴胡梔子散 方見脇癰

托裡散 方見熱毒

熱毒瘡瘍_四

熱毒瘡瘍因食膏粱厚味或乳母七情鬱火
所致若腫骨作痛氣血凝滯也用仙方活命
飲口渴便秘熱毒內蘊也用四順清涼飲佐
以如聖餅腫硬色赤熱毒凝聚也用活命飲
佐以隔蒜灸腫焮不消欲作膿也用托裡消
毒散不成膿或成膿不潰氣血虛也用八珍
湯潰而肉赤不斂脾血虛也用四物參朮肉

白而不斂脾氣弱也用四君芎歸食少體倦
而不斂脾氣虛也用六君當歸升麻凡藥對
症無有不愈設或妄行攻毒元氣虧損則變
惡症而難治矣大抵瘡瘍屬腑者易治元氣
無虧者不治自愈屬臟者難治元氣虧損者
則變為惡症誤行剋伐元氣虧損尤難療理
故切不可用峻厲之劑觀東垣丹溪云但見
腫痛參之脉症虛弱便與滋補血氣無虧可

保終吉若用驅逐敗毒不免有虛虛之禍美
一小兒患之腫焮敷服敗毒之藥腫益甚更
作嘔視其寅關脉青赤此肝經風熱之毒中
氣復傷而然也用五味異功散加柴胡升麻
再用補中益氣湯加白芷桔梗而愈

一女子十歲餘耳下連項赤腫寒熱頭痛恪
敷鐵箍散此少陽膽經火症內作非鐵箍散
所能愈余用梔子清肝散而愈

一小兒所患同前右關脉數按之則弦作嘔
懶食此肝木尅脾土所致用小柴胡湯去黃
芩加茯苓芍藥而愈

一小兒患之余謂稟肝脾氣滯不信用鐵箍
散犀角丸而嘔吐少食手足並冷此脾胃復
傷也予用五味異功散加木香母用加味道
遙散加味歸脾湯而消

一小兒缺盆患之內外敷服敗毒之藥發熱

腫痛按之則軟此膿內潰也喜其右腮白左腮黃乃脾肺相生其病易愈遂鍼出膿用托裡散而愈

一小兒頭面患之服清胃之藥腫痛益甚余謂毒氣熾盛而瘀血不散也用仙方活命飲二劑而愈後因傷食朝寒暮熱頭面仍患之服降火之劑口舌赤腫手足並冷余謂胃氣復傷而虛寒也用五味異功散而愈

一小兒頭患癰甚多寒熱作痛時季夏乃形病俱實先用人參敗毒散加黃連香薷一劑其痛頓止次用仙方活命飲末三服大者出膿小者自消後食厚味復發用清胃散活命飲各一服而愈

一小兒素食炙燻不時患之此膏梁積熱所致用清胃瀉黃二散將愈又停食服巴豆之藥口舌赤爛頭面生瘡此胃氣復傷而內熱

保嬰全書卷十一
也用人參安胃散而愈

一小兒不時患之兼頰側結核此肝疳之症
先用龍膽瀉肝湯二劑以治肝火又用四味
肥兒丸五味異功散加升麻柴胡消疳健脾
而愈

一小兒素有肝脾之症患癰甚多用仙方活
命飲二劑腫痛頓退又用四味肥兒丸五味
異功散加柴胡升麻而愈其時同患此症用
犀角丸化毒丹傷其脾胃者俱致不起

一小兒頭面患之腫痛焮作屬胃經熱毒先
用仙方活命飲末次用清胃散而痊後口舌
生瘡別搽末藥腹痛重墜作嘔不食手足指
冷余謂脾胃虛寒用異功散加升麻而痊
一小兒十二歲胸前患此腫焮作痛外敷鐵
箍散內服犀角丸腹中寒痛驗之膿已成先
用五味異功散再用托裏消毒散膿自出却

用托裏散而愈

一小兒臂患毒漫腫微痛敷鐵箍散時欲嘔吐胸腹痞滿手足並冷此脾氣虛寒也症屬半陽半陰鐵箍散乃純陽之藥非其所宜遂敷中和膏服六君乾薑而消蓋小兒元氣易實易虛用寒藥敷貼逼毒入臟而不能救者多矣

仙方活命飲

金銀花

陳皮各三錢

皂角刺炒

穿山甲

蛤粉同炒

乳香

沒藥

白芷

防風

當歸各一錢

貝母

天花粉

甘草節

右每服五錢酒煎服嬰兒每服一兩母子同服為末酒調服亦可毒在表者加麻黃散之毒在內者加大黃下之當臨時制宜此解毒回生起死之良劑

托裏消毒散治胃經虛弱或因尅伐致瘡不能潰散瘡未成即消已成即潰腐肉自去新肉自生

人參

黃芪

當歸

酒拌

川芎

芍藥

白朮

炒

茯苓

各一錢

金銀花

白芷

甘草

炙

連翹

各五分

右作二劑水煎徐徐服

托裏散治瘡瘍因氣血虛不能起發腐潰收斂及惡寒發熱宜用此補托之

人參

氣虛倍用

黃芪

炒

當歸

血虛倍用

白朮

倍用

茯苓

芍藥

酒炒各五分

熟地黃

二錢生者自製

右作二三劑水煎服

替鍼丸治瘡疽膿已成不潰者

陳壞米

一錢

礪砂

五錢

雄雀糞

四十九粒

直細者是也

右為末米粥丸麥粒大每用一粒粘瘡頭
上以膏藥貼之半晌其膿自出若瘡頭透
而膿不出或出而愈痛或發熱血氣虛也
用托裏散或作嘔吐痰食少體倦脾氣虛
也用六君子湯

五福化毒丹治熱毒蘊積赤咽乾口舌生瘡
或頭面瘡癤謔語不寧

方見胎毒瘡瘍

按前方生血涼血解毒寒中之劑形病俱
實者殊有良驗但一二丸即止不可過多
則反傷元氣變症不可勝言也

天烏散

天南星

赤小豆

草烏

黃蘗各等分

右為末薑汁米醋調貼患處

四物湯治發熱煩燥或日晡熱若因脾虛不

能生血者則用六君子湯之類忌用前藥

方見
腋癰

四君子湯治腸胃虛熱唇口生瘡或瘡不消
不潰不斂或食少作嘔大便不實若因肝
木乘脾土而致者宜加軟柴胡炒黃芍藥

方見
腹癰

六君子湯治脾胃虛弱飲食少思或大便不
調肢體消瘦面色痿黃即四君子加陳皮

半夏

八珍湯治氣血俱虛成者不能潰潰者不能
斂或惡寒發熱或晡熱作渴飲食少思者

即四君子四
物二湯合用

如聖餅治氣虛瘡瘍硬腫不能消散若大人
發背等症肉死不知痛加蟾酥

方見
流注

四順清涼飲

四君子湯 二方見腹癰

加味歸脾湯

小柴胡湯

梔子清肝散

三方見脇癰

托裏沖和湯

方見敷涼藥

五味異功散

方見敗毒之藥

加味逍遙散

方見發熱不止

人參敗毒散

方見發癰

四味肥兒丸

方見貼骨癰

隔蒜灸法

方見流注

清胃散

方見熱毒口瘡

補中益氣湯

方見肌肉不生

胎毒癩癧

五

胎毒癩癧者乃稟肝膽二經鬱火氣滯所致
蓋肝膽經行人身之側若因肝火動而受惠
故發於肝膽二經部分當審其因而藥之或
因乳母恚怒或血虛內熱者當審其所因而

調其母不可用峻厲之藥恐傷元氣也

一小兒落草頸間有瘰五枚審其母素多怒時常寒熱或乳間作痛或脇肋微腫悉屬肝膽經症先用小柴胡湯加當歸芍藥寒熱頓退又用加味道遙散母服兩月餘其兒亦愈

一小兒因乳母肝經有熱耳前後患之用加味道遙散治其母其兒自愈

一小兒頸間耳下各結核三歲久服消毒之

劑患處益甚元氣益虛診乳母素鬱怒致肝脾血虛而有熱用加味歸脾湯為主佐以加味道遙散母熱漸退却與兒日各數匙兩月餘而愈

一小兒自落草時頸間患有四枚至五歲耳前後如貫珠元氣虛甚寒熱往來飲乳不徹此稟肝膽經氣滯之症用八珍味道遙二散與壯年婦人服之兒飲其乳半載之後兒體漸

充其核漸消又服地黃丸逍遙散而全愈
一小兒頸間結核或發寒熱左頰青額間赤
此稟肝心二經之症用加味逍遙散加漏蘆
與母服兒日服半蛤許兩月餘核漸消後因
母怒發熱兒病仍作先用加味小柴胡湯加
漏蘆又用加味道遙散加漏蘆與母服兩月
餘母子俱安

一小兒頸間前後各有一核色如故至週歲
母有怒氣各核變赤用加味道遙散加漏蘆
五分十餘劑將愈後因母大怒寒熱往來四
肢痠癢其子亦然又用加味道遙散加漏蘆
釣藤鈎母子並服而安

一小兒生下頸間瘰癧三枚將期數藥延及
耳前余謂此稟肝膽二經所致診其母肝膽
脉尚洪數余謂母子一體治其母兒自愈不
信另用必效散一服吐瀉並至一夕而歿

小柴胡湯

加味歸脾湯

二方見臨癘

加味逍遙散

方見發熱不止

六味地黃丸

方見作渴不止

熱毒癰癤 六

熱毒癰癤乃手足少陽足厥陰二經風熱之症或肝疳食積所致其症發於項腋或耳前後或如貫珠當分表裡虛實若焮赤腫者肝

經熱毒也用人參敗毒散作痛寒熱者肝火內作也用加味小柴胡湯不痛而小便黃肝血虛也用六味地黃丸隱於肉裡而色不變者肝疳內作也用九味蘆薈丸膿成而不潰或潰而不斂者脾氣虛弱也用益氣養榮湯凡此腫焮疼痛寒熱作渴者屬病氣有餘形氣不足治宜清肝火生肝血腫硬不潰潰而不斂者屬病氣形氣俱虛治宜補腎水實脾

士若因乳母恚怒肝火遺患者又當隨所因而治之

一小兒膿水淋漓其核未消發熱憎寒此肝經氣血虛而有熱也用補陰八珍湯為主間以清肝益榮湯而愈後復結核小便赤澀晡熱作渴用參朮柴苓湯為主佐以六味地黃丸料加柴胡山梔及四味肥兒丸而斂

一小兒十五歲患此發熱作渴日晡頰赤脉

數無力屬陰虛而有熱用補陰八珍湯五十劑加參芪又二十劑而潰但膿水清稀肌肉不生此脾氣虛弱也以參芪歸朮為主佐以芍藥熟地麥門五味氣血乃復遂進必効散一服毒下而痊

一小兒十三歲久不愈寒熱無作飲食少思此肝火熾而脾胃虛也用益脾清肝散佐以九味蘆薈丸而愈至十六歲陰莖忽癢服溫

補之藥莖竅出臭津舊痕腫痛予用清肝火之藥而愈

一小兒十五歲患此恪用攻痰前症益甚虛症悉至仍議前法余曰小便頻數肝經陰虛也兩目連劄肝經風熱也作嘔懶食胃氣虛弱也泄瀉後重脾氣虛陷也遂用補中益氣湯六味地黄丸漸愈又用九味蘆薈丸而消一小兒項間及四肢結核久潰不斂形體骨

立大便不調小便頻數此肝脾疳症用九味蘆薈丸補中益氣湯而愈

一小兒十四歲患此膿水清稀肌體骨立晡熱盜汗口乾欬痰此腎水不能生肝木也用六味地黄丸補中益氣湯三月餘元氣漸復佐以四味肥兒丸而愈畢姻後唾痰體倦發熱作渴此脾肺虛不能生腎水水泛而為痰用地黃丸補中益氣湯而痊

信異名書卷十一
一 小兒患此服剋治之藥致寒熱腹膨此肝脾疳症先用五味異功散加柴胡升麻佐以九味蘆薈丸漸退又用四味肥兒丸五味異功散而消

一 小兒患此服化痰散堅之藥面色青白少陽三焦部分見青筋又目劄出淚此肝膽風熱所致脾土虛而肝木所侮也先用補中益氣湯柴胡清肝散加蕪荑核漸消又佐以五味異功散加蕪荑而愈

一 小兒九歲患此面色常青腫硬不潰肉色不變乃伐肝化痰余曰當調補肝脾不信果虛症蜂起復請治仍欲伐肝余曰面帶青色肝虛而本色見也面色變白肺虛而本色見也痰涎上湧脾虛而不能攝也兩目連劄肝血虛而生風也經云胃為五臟之本當先救胃氣遂用五味異功散加升麻柴胡元氣稍

復乃朝用補中益氣湯夕用五味異功散佐以九味蘆薈丸面色始黃而核漸消又以四味肥兒丸間服地黃丸而愈

一小兒五歲患此小便白色此肝脾疳症用九味蘆薈丸四味肥兒丸而消因食橙橘二便俱白拗澗結核亦用前丸而愈後目連劄頸間耳後結核用柴胡清肝散蘆薈丸而愈張閣老姪孫患此久服化痰劑堅之劑夜熱吐痰時季夏脉大按之而瀋余曰夏月肝症而見肺脉至金旺之時其病必進矣至八月疾甚果不治

一女子十四歲耳下患此服化痰泄氣藥前症益甚諸症並臻余曰此肝膽經虛火之症也前藥乃泛擾諸經無臟不傷者不悟仍服之更四肢發搐目閉口噤余曰此肺經虛肝木動而脾土復傷也當補脾土滋肺金養腎

水亦不信後果歿

一小兒四歲患此泛服軟堅伐肝之劑益甚
余曰此稟肝經之虛羸兼乳母鬱怒所致當
調補乳母肝脾滋子之腎水不悟仍用前藥
以致不起

四味肥兒丸治食積脾疳面耳口舌生瘡目

障雲翳牙齒腐爛等症

方見貼骨癰

柴芍參苓飲治肝火血熱遍身瘙癢或起赤

暈或筋攣結核

柴胡

芍藥

人參

白朮

茯苓

陳皮

當歸

各五分

牡丹皮

山梔

甘草

炙各三分

右薑棗水煎服

神功散治瘡瘍初起腫爛者用之可消加血
竭更好丹毒未疔者亦可用之

黃栢

炒

草烏

生用

右各另為末等分用漱口水調敷常漱口
水潤之

清肝益榮湯治肝膽經風熱血燥筋攣結核

或作瘕疝

柴胡

山梔

炒各五分

龍膽草

酒拌炒黑五分

當歸

川芎

芍藥

各一錢

熟地黄

自製

白木

炒

木瓜

不犯鐵器

茯苓

薏苡仁

各五分

甘草

三分

右水煎服

加味小柴胡湯山梔牡丹皮治肝膽經風熱

耳前後腫痛或結核焮痛或寒熱嘔熱口

苦耳聾等症

前方去山梔丹皮即小柴胡湯

柴胡

二錢

黃芩

炒一錢

人參

半夏

各七分

甘草

炙五分

山梔

牡丹皮

各一錢

右薑水煎徐徐服

九味蘆薈丸治肝脾疳熱患瘰癧結硬或三焦目生雲翳耳內生瘡或肢體消瘦熱渴少食或肚腹不調牙齦蝕頰腐爛下部生瘡等症 方見喉痺

必効散治療瘰元氣無虧者宜用此方若元氣怯弱者宜先補而後服之瘰毒已下便與滋補庶無他患若孕婦及虛勞氣鬱所致者尤不可服世以此方為良劑故併註之

南鵬砂 二錢五分 輕粉 一錢

麝香 五分

巴豆 五粒去心膜 白檳榔 一箇

班猫 四十箇去頭足

翅用糯米炒

右為末取鷄子二箇去黃用清調藥入殼內以濕紙數重糊口甑蒸熟取出曝乾研細每服五分用炒生薑酒五更調服如毒

出小便澀痛用益元散一服其毒出而不痛

益氣養榮湯

方見鶴膝風

梔子清肝散

方見脇癢

補陰八珍湯

即八珍湯加黃栢知母

益脾清肝散

方見黃水瘡

驚風結核

十

驚風結核屬肝懸二經風木相火用事木旺

生風風熱同化其病抽掣擾動此乃風熱血燥而然耳蓋風動則肝火盛火盛則肝血內消血不能養筋故筋攣結核如貫珠然頸項兩側正屬肝膽經部分治宜滋腎水清肝火養陰血壯脾土蓋腎水旺則肝火自清肝火清則陰血自生陰血生則相火自寧火既寧則無熱傷元氣火乘土位之疾矣

一小兒因驚項間結核目劄唇動搖頭抽搐

此風木凌於脾土也用皂角子丸補中益氣湯漸愈又用九味蘆薈丸而痊

一小兒甫周歲項間結核兩臂反張索敗毒之藥余意此屬肝經血燥詢之果前患驚風曾服硃砂等藥遂與六味地黄丸滋其肝血數服而愈

一小兒項側結核痰盛發搐服金石香燥之劑手足筋攣此肝血復傷即急驚也遂用加味小柴胡湯加釣藤鈎山梔芩歸六味丸料加五味麥門而痊

一小兒每受驚項間結核發熱減食睡間四肢微抽此肝木侮脾土也用五味異功散加柴胡升麻鈎藤鈎隨愈畢姻後腿臂腕間結核誤服行氣破血藥腿臂筋攣肌體消瘦如瘵症余考績到京用地黃丸生肝腎之血佐以補中益氣湯補脾肺之氣而愈

一小兒耳前後結核遇驚即痰盛咬牙抽搐
搥頭恪服香燥之藥以致慢驚而卒

皂角子丸治肝膽經風熱項脇兩側結核

皂角子仁炒連翹八錢當歸

柴胡炒芍藥炒山梔炒

川芎各一兩桔梗炒草龍草酒拌炒黑

甘草炙各四錢

右為末米糊丸菜豆大量兒大小滾湯下

人參敗毒散治小兒風熱瘡癩頑核毒瘡或

解脫衣裳風邪所傷惡風發熱胸膈生涎

頭目不清方見發癩

九味柴胡湯治肝經熱毒下注患便毒腫痛

或小腹脇間結核凡肝膽經部分一切瘡

瘍或風毒惡核癰瘰

柴胡五分黃芩炒五分人參

山梔炒半夏 龍膽草炒

當歸

芍藥

炒各三分

甘草

二分

右水煎服若腫痛色赤元氣無虧者宜用
潰後腫消痛止者不宜用大凡腫硬不潰
或潰後不愈因元氣虛也午前宜用四君
歸芪升麻午後宜用四君芍歸柴胡為主
佐以九味蘆薈丸若飲食少思者宜用五
味異功散專補胃氣若膿水清稀而見一
切諸症皆因血氣內虧但溫補脾胃飲食
加進血氣化生諸症自退設治瘡邪是虛
其虛也禍不旋踵矣

琥珀膏治瘰癧不潰或潰而不愈變成漏症

琥珀

木通

桂心

當歸

白芷

防風

松香

硃砂

丁香

木香

木鱉子

各二兩

右先用琥珀丁香桂心硃砂木香為末其

餘咬咀以麻油二斤六兩慢火煎至白芷
焦黑濾去粗徐下黃丹一斤以柳枝不住
手攪至黑色滴水捻軟硬得中却入琥珀
等末攪勻於磁器盛之用時取少許攤貼
益脾清肝散治肝火侮脾飲食少思發熱或
寒熱往來瘡不能消散 方見黃水瘡

補陰八瓊湯治元氣虛弱不能潰斂或內熱
晡熱肌體消瘦即八瓊湯加酒炒黑黃柏

知母

五味異功散 方見敗毒之藥

胎毒瘡疥 八

胎毒瘡疥因稟胎熱或娠母飲食之毒七情
之火初如乾癬後則膿水淋漓或結靨成片
如發于兩耳眉或耳前後髮際之間屬手少
陽經若發于四肢屬脾胃經發於兩脇屬肝
經發于額屬心經發于腦屬膀胱經發于頰

頰屬腎經當隨各經所主五臟勝負及乳母
食咳厚味鬱怒所傳致而調治之不可輒用
化毒犀角等丸設元氣復傷傳變他症尤為
難療

一小兒遍身患之服牛黃解毒丸皆愈惟頭
結痂作痒出水此稟腎經虛熱用地黃丸解
毒散而愈

一小兒患於髮際之間作痒診其母有肝火
用加味逍遙散加漏蘆用牛黃解毒丸解毒
散而愈

解毒散一
名托毒散

一小兒患於左耳髮際漸延上頭作痒此稟
肝膽二經熱毒用柴胡清肝散母子並服而
愈後不戒膏梁復發膿水淋漓右頰赤色此
胃經有熱先用清胃散仍用柴胡清肝散治
肝火母子俱服又用立効散牛黃解毒丸而
愈

一 小兒兩眉患之延及遍身四肢為患膿水淋漓寒熱往來屬肝脾積熱用清胃散小柴胡湯立効散而愈後眉間復患兩目連割小便白濁用四味肥兒丸九味蘆薈丸而愈
一 小兒因乳母不戒七情厚味患此久不愈母用清胃逍遙二散子用牛黃解毒丸愈後兒食甘味眉間生瘡痛痒目割用四味肥兒丸為主佐以加味逍遙散清胃散而愈

一 小兒遍身患之兩脇為甚子用四味肥兒丸立効散母用柴胡梔子散加味逍遙散而愈

牛黃解毒丸治胎毒瘡癩及一切瘡瘍

牛黃 錢三 甘草 金銀花 兩一

草紫河車 錢五

右為末煉蜜丸量兒服

立効散治髮瘡耳瘡及一切瘡疥

定粉末

松香末

黃栢末

黃連末

枯礬末

各一兩

右各另為末用清油燭油調搽

敷藥解毒散治一切毒瘡風疹痒痛

大黃

黃栢

山梔

寒水石

煨各等分

右為末水調搽若破而膿水淋漓用當歸

膏或清燭油調尤善

柴胡梔子散

即梔子清肝散方見脇癰

四味肥兒丸

方見熱毒癰瘰

九味蘆薈丸

方見諸疳口瘡

金黃散

方見天泡瘡

熱毒瘡疥

丸

熱毒瘡疥因乳哺過早或嗜甘肥臟腑積熱
或母食膏粱厚味或七情內火所致當分臟
腑所屬之因病之虛實調其血氣平其所勝

如肝經實熱用柴胡清肝散虛熱用六味地
黃丸心經實熱用導赤散虛熱用補心湯脾
經實熱用瀉黃散虛熱用補中湯肺經實熱
用瀉白散虛熱用五味異功散腎經熱用六
味地黃丸大凡手足冷者屬虛寒手足熱者
屬實熱脈沉數有力作渴飲冷大便乾實此
邪在裏宜內疏若脈浮數有力作渴飲冷此
邪在表宜發散若脈浮大按舉無力或作渴
飲湯乳食少思此真氣虛而發熱也調理脾
胃其病自愈切不可用寒涼之劑復損真氣
嬰兒宜調治乳母為主

一小兒脇間患此寒熱如瘡小便頻數此稟
肝火所致先用柴胡清肝散又用加味道遙
散而愈後因乳母肝火動而復發用加味道
遙散及八珍湯加牡丹皮山梔母子服之並
愈

一 小兒腹間患此發熱便血面黃少食或作嘔或作瀉手足時冷右關脉弦數此脾土虛弱肝火為患先用五味異功散加升麻柴胡山梔益脾氣清肝火後用地黃丸滋腎水生肝血而愈

一 小兒腿內股患此色赤不愈發熱面色或赤或青此稟腎陰不足而木火熾盛先用柴胡梔子散以清肝心後用地黃丸以補肝腎而愈

一 小兒肘間患此作渴飲冷右寸關脉數而無力此胃經積熱傳於肺經也先用瀉黃瀉白二散漸愈後用五味異功散四味肥兒丸而愈

一 小兒嗜膏粱甘味先患背脊髀後沿遍身淋漓此飲食之熱而傷脾血也先用清胃瀉黃二散而愈但形氣怯弱用五味異功散而元

氣復

柴胡清肝散

方見脇癭

五味異功散

方見用敗毒之藥

導赤散

瀉白散

二方見臂癭

瀉黃散

方見頭面瘡

諸疔瘡疥

十

諸疔瘡疥因脾胃虧損內亡津液虛火妄動

或乳母六淫七情飲食起居失宜致兒為患

當分其因審其經而平之如面青寒熱或白

翳遮睛肝經之症也面赤身熱或作渴驚悸

心經之症也面黃體瘦或作渴泄瀉脾經之

症也面白咳嗽或鼻間生瘡肺金之症也面

鰵體瘦或喜卧濕地腎經之症也嬰兒宜調

治乳母若不審五臟勝負形病虛實妄行敗

毒多致不救

一小兒患此小便頻數左頰青色或時目劄
此肝脾之症也先用五味異功散加當歸升
麻柴胡調補脾氣又用九味蘆薈丸清理肝
火末用地黃丸滋腎水生肝木而疥愈後復
發不經意兼兩目生翳小便頻數大便泄瀉
此肝邪侮脾而作也用四味肥兒丸五味異
功散加蕪荑脾氣健而肝病愈

一小兒患此面黃作渴大便酸臭腹脹青筋
此肝脾之症用五味異功散為主佐以四味
肥兒丸而愈

一小兒患此面赤作渴心脉洪大此心經之
症內用柴胡梔子散外用六仙散而愈後驚
悸發熱疥癩作痛先用導赤散二服又用柴
胡梔子散與子服母服逍遙散而愈

一小兒患此大便酸臭肚腹膨脹手足時冷
此脾經之症用五味異功散四味肥兒丸漸

愈後因母食炙煇仍發母服清胃散黃連瀉
心湯子服一味甘草而愈

一小兒嗜甘肥之物患之或痒或痛咳嗽飲
冷此脾胃積熱傳于肺經先用清胃散以治
胃熱少用瀉白散以清肺火漸愈出痘後仍
患之口乾飲湯用五味異功散兼大楓膏而
愈

一小兒年十五遍身患此腿足為甚發熱發
冷兩尺脉數洪按之無力此稟腎虛所致用
六味地黃丸而愈後用心力學復發尤甚兼
盜汗遺精用地黃丸為主佐以補中益氣湯
八珍湯而愈

一小兒患此發熱飲冷痰涎上湧此稟腎虛
用地黃丸料煎服月餘漸愈又佐以八珍湯
而愈次年畢姻後發熱唾痰盜汗咳血仍用
前藥而愈

敷藥大楓子膏治瘡疥

大楓子肉 二兩 研膏

真輕粉 一兩

黃連 二兩

枯礬 一兩

蛇床子 二兩

柏油 六兩

右各另入大楓膏和勻更入柏油杵百餘
即成膏矣每用少許塗患處

敷藥六仙散治諸瘡疥

苦參

獨活

大楓子 去殼油

蛇床子 各一兩 枯礬 五錢

右為細末柏油調敷

五味異功散 方見用敗毒之藥

清胃散 方見熱毒口瘡

諸瘡口瘡 十一

諸瘡口瘡因乳哺失節或母食膏粱積熱或
乳母七情鬱火所致其症口舌齒齦如生瘡
狀若發熱作渴飲冷額間赤色左寸脉洪數

者此屬心經先用導赤散清心火次用地黃
丸滋腎水若寒熱作渴左頰青赤左關脉弦
洪者屬肝經先用柴胡梔子散清肝火次用
六味地黃丸生肝血若兩腮黃赤牙齦腐爛
大便酸臭右關脉洪數按之則緩者屬脾經
用四味肥兒丸治脾火以五味異功散補脾
氣若發熱咳嗽右腮色赤右寸脉洪數按之
瀉者屬肺經先用清肺飲治肺火用五味異

功散補脾胃若發熱作渴兩頰鰲色左尺脉
數者屬腎經不足先用六味地黃丸以生腎
水次用補中益氣湯以生肺氣又有走馬疳
者因病後脾胃氣血傷損虛火上炎或痘疹
餘毒上攻其患甚速急用銅礫散大蕪荑湯
輕則牙齦腐爛唇吻腮腫重則牙齦蝕露頰
頰透爛若飲食不入喘促痰甚此脾胃虛而
肺氣敗也頰腮赤腐不知痛者此胃氣虛甚

而肉死也並不治

一小兒口瘡嘔血便血兩腮微腫唇白面青此脾土虧損木所乘也朝用補中益氣湯食遠用異功散而愈

一小兒右顙鼻準微赤此肺脾二經虛熱用四君升麻及白朮散而愈

一小兒口瘡久不愈診其母右關脉弦緩乃木尅土之症先用六君柴胡又用加味逍遙散治其母子自愈

一小兒齒齲蝕爛年餘不愈用大蘇葦湯治其疳邪五味異功散健其脾氣尋愈後復作兼項間結核另服敗毒藥口舌生瘡余用四味肥兒丸而愈

一小兒患口瘡寒熱嗜卧作渴引飲此脾疳氣虛發熱而津液不足也先用白朮散以生胃氣再用四味肥兒丸以治疳症兩月餘又

用異功散而安

一小兒口瘡身熱如灸肚腹脹大此脾疳內
作朝用五味異功散夕用四味肥兒丸稍愈
又以地黃蝦蟆二丸煎服而愈

一小兒齒齲腐爛頭面生瘡體瘦發熱此脾
疳所致先用大盧薈丸又用四味肥兒丸大
楓膏而愈

東垣大蕪黃湯

一名梔子
茯苓湯

治黃疳土色為濕

為熱當利小便今反利

知黃色中為
燥胃經熱也髮黃

脫落

知膀胱腎俱受土
邪乃大濕熱之症

鼻下斷作瘡

上逆
行營

氣伏能乳
胃中有熱也
火也大便清

寒則食不入喜食土

胃不
足也面黑

為寒為痺大便清也

寒也褐色
熱蓄
血中間黃色
腸胃
有熱

治當滋榮潤燥外致津液

山梔仁 三分

黃栢

甘草 炙各
二分

大蕪黃 五分

黃連

麻黃根 各一
分

羌活 二分

柴胡 三分

防風 一分

保嬰堂書卷七

疾

白朮

茯苓

各五分

當歸

四分

右水煎服

葛花解醒湯治乳母酒醉後乳兒遺熱為患

白豆蔻

砂仁

葛花

各五分

乾生薑

白朮

澤瀉

神麴

炒黃各二錢

白茯苓

陳皮

人參

猪苓

木香

五分

青皮

三分

右為末每服二錢白湯調服

愚按前湯先哲不得已而用之蓋醉酒耗氣又服辛散重損真陰折人長命可不慎哉

大蘆薈丸治疳殺虫和胃止瀉

胡黃連

黃連

白蕪荑

去扇

蘆薈

木香

青皮

白雷丸

破開赤者不用

鶴虱

微炒各半兩

麝香

二錢
另研

右為末粟米飯丸菜豆大每服一二十九
米飲下

蚶蟆丸治無辜疔症一服虛熱退二服煩渴
止三服瀉痢住

蟾蜍

一枚夏月溝渠中腹大
不跳不鳴身多癩癩者

右取糞蛆一杓置桶中以尿浸之桶上要
乾不令蟲走出却將蟾蜍撲死投蛆中食
一晝夜以布袋盛置浸急水中一宿取出
瓦上焙為末入麝一字粳米飯揉丸麻子
大每服二十九米飲下

六味肥兒丸消疳化蟲退熱若脾胃飲食少
思肌肉消瘦肚大頸細髮稀成穗項間結
核發熱作渴精神怠倦大便酸臭嗜食泥
土或口鼻頭瘡肚腹青筋嚙下痢便白宜
用此丸即四味肥兒丸加乾蟾一兩蕪荑

五錢

四味肥兒丸

方見熱毒瘰癧

地黄丸

方見作渴不止

熱毒口瘡

十二

經云手少陰之經通于舌足太陰之經通于口因心脾二經有熱則口舌生瘡也當察面部部位分經絡虛實而藥之若元氣無虧暴病口生白屑或重舌者用亂髮纏指蘸井花

水揩之或刺出毒血敷以柳花散傳之上以腫脹或有泡者並令刺破敷前散或以青黛搽之刺後又生又刺若唇吻熱烈者用當歸膏調柳花散敷之若元氣虧損或服寒涼之藥或兼作嘔少食者此虛熱也用五味異功散加升麻柴胡若泄瀉作渴者脾胃虛弱也用七味白朮散若腹痛惡寒者脾胃虛寒也用六君薑桂若因母食酒麵煎煨者用清胃

散若因母飲食勞役者用補中益氣湯肝脾
血虛者用加味逍遙散鬱怒內熱者用加味
歸脾湯母子並服若泥用降火必變慢脾風
矣仍叅吐舌弄舌治之凡針重舌以線針直
刺不可橫挑恐傷舌絡致言語不清也

一小兒口舌生瘡手熱飲冷屬胃經實熱用
柳花散加味解毒散而愈後因傷食吐血不
時弄舌屬脾經虛熱用四君子湯而痊

一小兒口舌生瘡延及頭面胸背膿水淋漓
此胎毒也內用牛黃解毒丸外以當歸膏調
黃朽末塗之而愈

一小兒發熱飲冷口患瘡額鼻黃赤吐舌流
涎余用導赤瀉黃二散而愈後復作自服清
熱化毒之藥益甚更加弄舌余用五味異功
散加釣藤鈎及六君子湯而愈蓋吐舌為脾
之實熱也弄舌為脾之虛熱也治者審之

一小兒患前症久不愈恪服清涼之劑痰喘
不已口開流涎手足並冷又欲治痰余謂經
云脾主涎肺主氣此因脾土虛寒不能生肺
金而然非痰火為患也先用溫中丸二服痰
喘頓止又用五味異功散而痊

一小兒口内生瘡用寒涼之劑更發熱飲湯
不絕此中氣虛寒隔陽於外非實熱也用補
中益氣湯加炮薑一劑而愈

陳湖陸欽若子患前症敷服寒劑手足並冷
口唇時動余曰此中氣虛寒而變慢脾風也
後果沒

東垣清胃散治胃經有熱齒牙作痛或飲冷
作渴口舌生瘡或唇口腫痛欬連頭面或
重舌馬牙吐舌流涎若因服尅伐之劑脾
胃虛熱口舌生瘡或弄舌流涎或嘔吐困
睡大便不實者用五味異功散

升麻

分五

生地黄

分四

黃連

牡丹皮

分各三

當歸

分四

右水煎服嬰兒母亦服

清熱消毒散治實熱口舌生瘡及一切瘡瘍

腫痛形病俱實者

黃連

炒

山梔

炒

連翹

當歸

分各五

川芎

芍藥

炒

生地黄

分各六

金銀花

錢一

甘草

分二

右水煎服嬰兒母同服

四君子湯治脾氣虛熱口舌生瘡或但胃氣

復傷飲食少思或食而難化若作嘔泄瀉

尤宜用之如兼痰嗽氣逆肢體倦怠面目

浮腫宜用六君子湯

六君子湯治脾胃氣虛吐瀉不食肌肉消瘦

或肺虛痰嗽喘促惡寒或驚搐口直口噤

諸症

二方見
腹癰

五味異功散治脾胃虛熱口舌生瘡或因誤服尅伐之劑脾胃復傷而口舌生瘡或弄舌流涎吐瀉不止飲食少思或驚搐痰嗽睡而露睛手足並冷若母有病致兒患者子母並服 方見用敗毒之劑

人參理中湯

人參

甘草 炙各等分

白朮 炒

乾薑 炮

右每服一二錢水煎蜜丸即人參理中丸加附子即附子理中湯

四物湯治瘡瘍血虛發熱煩燥或晡熱作渴頭目不清若因脾虛不能生血者用四君

子湯 方見腋癰

柳花散治熱毒口瘡

黃柏 炒

蒲黃

青黛 真正者

人中白 煨各等分

右為末敷之

加味解毒散

牛黃解毒丸

一方見胎毒瘡疥

四味散治發熱血虛

吐衄不明胡于野中

式每服一二錢木煎蜜飲明入參野中

